



Sarajevo, 13.12.2019. godine

**BOSNA I HERCEGOVINA
VIJEĆE/SAVJET MINISTARA BOSNE I HERCEGOVINE**

**N/r: dr. Zoran Tegeltija, predsjedavajući
putem Generalnog sekretarijata**


**Trg BiH br. 1
71000 Sarajevo**

**BOSNA I HERCEGOVINA
MINISTARSTVO PRAVDE BOSNE I HERCEGOVINE**

N/r: dr.sc. Josip Grubeša, ministar

**Trg BiH br. 1
71000 Sarajevo**

**BOSNA I HERCEGOVINA
MINISTARSTVO PRAVDE
SARAJEVO**



PREDMET: Otvaranje postupka kolektivnog pregovaranja, traži se

Poštovani,

reprezentativni sindikati na nivou institucija Bosne i Hercegovine, i to: Savez sindikata policijskih organa u Bosni i Hercegovini, Sindikat državnih službenika i zaposlenika u institucijama Bosne i Hercegovine i Sindikat Uprave za indirektno/neizravno oporezivanje su, dana 20. juna 2019. godine potpisali Sporazum o saradnji, a svrha potpisivanja Sporazuma jeste opredjeljenost sindikata-potpisnika na zajedničko sindikalno djelovanje, u cilju jačanja sindikalne organizovanosti i djelovanja, kolektivnog pregovaranja i ostvarivanju prava u socijalnom dijalogu radi poboljšanja ekonomskih, socijalnih i radnih uslova za sve članove reprezentativnih sindikata, potpisnika Sporazuma.

Temeljem navedenog sporazuma, a sukladno odredbama čl. 90. i 91. Zakona o radu u institucijama BiH ("Službeni glasnik BiH", br. 26/04, 7/05, 48/05, 60/10, 32/13, 93/17) reprezentativni sindikati su započeli zajedničke aktivnosti na izradi Nacrta Kolektivnog ugovora, s ciljem pokretanja postupka kolektivnog pregovaranja i u konačnici zaključenja Kolektivnog ugovora.

U vezi s tim donesena je:

- zajednička Odluka o imenovanju predstavnika reprezentativnih sindikata (potpisnika Kolektivnog ugovora) u pregovarački tim ispred reprezentativnih sindikata za kolektivno pregovaranje sa Vijećem ministara BiH, odnosno pregovaračkim timom ispred Vijeća ministara BiH (Odluku o imenovanju pregovaračkog tima ispred reprezentativnih sindikata dostavljamo u prilogu);
- izrađen je prijedlog Protokola o kolektivnom pregovaranju, između Vijeća ministara Bosne i Hercegovine i reprezentativnih Sindikata, s jasno utvrđenom dinamikom kolektivnog pregovaranja kako je to uobičajena praksa i standard u kolektivnom pregovaranju između poslodavca i organizacija zaposlenih kako u BiH tako i u susjedstvu (prijedlog Protokola se dostavlja u prilogu).

Imajući u vidu da su reprezentativni sindikati ispunili sve zakonom propisane pretpostavke, ovim aktom iniciramo otvaranje postupka kolektivnog pregovaranja o zaključenju Kolektivnog ugovora za zaposlene u institucijama BiH, s početkom najkasnije do 28.02.2020.godine, odnosno do datuma određenog za početak kolektivnog pregovaranja kako je navedeno u dostavljenom prijedlogu Protokola o kolektivnom pregovaranju,.

Molimo da nas obavijestite da li ste u mogućnosti prihvatiti termine za početak pregovora iz prijedloga Protokola, te ukoliko niste, molimo da predložite korekcije istih.

Sve detalje u pogledu organizacije pregovora možete predlagati i elektronskim putem dostavljati na sljedeće e-mail adrese: ana.mrnjavac@uino.gov.ba; r.sindikats@bih.net.ba i sspoubih@gmail.com

S poštovanjem,

Savez sindikata policijskih organa u BiH:
predsjednik, Dragan Krvavac

Broj: 93/19 od 13.12.2019.g.

Sindikatski savez državnih službenika i zaposlenika u institucijama u BiH:
predsjednica, Lejla Čopelj

Broj: 03-50-121 od 13.12.2019.god.

Sindikatski savez Uprave za indirektno/neizravno oporezivanje:
predsjednica, Ana Mrnjavac

Broj: 19/9-12/19 od 13.12.2019.g.

Prilog:

1. Odluka o imenovanju zajedničkog pregovaračkog tima za kolektivno pregovaranje i zaključenje Kolektivnog ugovora za zaposlene u institucijama BiH,
2. Prijedlog Potokola između Vijeća ministara Bosne i Hercegovine i reprezentativnih sindikata o kolektivnom pregovaranju

SINDIKAT DRŽAVNIH SLUŽBENIKA I ZAPOSLENIKA U INSTITUCIJAMA BOSNE I HERCEGOVINE, SAVEZ SINDIKATA POLICIJSKIH ORGANA BOSNE I HERCEGOVINE I SINDIKAT UPRAVE ZA INDIRECTNO/NEIZRAVNO OPOREZIVANJE (u daljem tekstu: reprezentativni sindikati), dana 13.12.2019. godine dogovorno su donijeli

ODLUKU

o imenovanju zajedničkog pregovaračkog tima za kolektivno pregovaranje i zaključenje Kolektivnog ugovora za zaposlene u institucijama BiH

Članak 1.

Ovom Odlukom u zajednički pregovarački tim reprezentativnih sindikata za kolektivno pregovaranje i zaključenje Kolektivnog ugovora za zaposlene u institucijama BiH u ime reprezentativnih sindikata imenuju se:

U ime Sindikata državnih službenika i zaposlenika u institucijama Bosne i Hercegovine:

1. Lejla Čopelj;
2. Edin Kučuković i
3. Goran Okiljević.

U ime Sindikata Uprave za indirektno/neizravno oporezivanje:

1. Ana Mrnjavac;
2. Azra Dedić i
3. Danijel Palinić.

U ime Saveza sindikata policijskih organa Bosne i Hercegovine:

1. Dragan Krvavac;
2. Mirza Husejinović i
3. Nerminka Husić.

Članak 2.

Predsjednik pregovaračkog tima će biti jedan od predsjednika reprezentativnih sindikata, zavisno od teme sastanka, pri čemu će svaki od njih na temu iz svoje nadležnosti pripremati dnevni red i materijale za sjednicu.

Članak 3.

Zadatak zajedničkog pregovaračkog tima reprezentativnih sindikata je usuglašavanje odredbi Kolektivnog ugovora između Poslodavca – Vijeća/Savjeta ministara Bosne i Hercegovine i reprezentativnih sindikata, kao i priprema za potpisivanje Kolektivnog ugovora, a kroz sastanke sa pregovaračkim timom ispred Poslodavca – Vijeća/Savjeta ministara Bosne i Hercegovine.

Članak 4.

Odredbe Kolektivnog ugovora se dogovaraju na principima međusobnog uvažavanja pregovaračkih timova, na osnovu utvrđenih činjenica, ekspertnih analiza, važećih domaćih i međunarodnih propisa i standarda, rezultata naučnih istraživanja, prakse zemalja okruženja i zemalja Europske unije i drugih relevantnih kriterija.

Članak 5.

Određba Kolektivnog ugovora smatra se dogovorenom ako je u pregovorima postignuta suglasnost pregovaračkih timova. Usuglašene odredbe konstatuju se zaključkom „Određba je dogovorena“ tako što se tačno navede koja je odredba iz Kolektivnog ugovora dogovorena.

Članak 6.

Ova Odluka stupa na snagu danom potpisa posljednjeg potpisnika ove Odluke po ovlaštenom predstavniku.

Za SAMOSTALNI SINDIKAT
DRŽAVNIH SLUŽBENIKA I
ZAPOSLENIKA U
INSTITUCIJAMA BOSNE I
HERCEGOVINE

Lejla Čopelj


Broj: 03-50-119

Datum: 13.12.2019 god.



Za SAVEZ SINDIKATA
POLICIJSKIH ORGANA
BOSNE I HERCEGOVINE

Dragan Krvavac


Broj: 91 X 19

Datum: 13.12.2019.g.



Za SINDIKAT UPRAVE ZA
INDIREKTNO/NEIZRAVNO
OPOREZIVANJE

Ana Mrnjavac


Broj: 116/19-12/19

Datum: 13.12.2019 god.



PROTOKOL

O KOLEKTIVNOM PREGOVARANJU

IZMEĐU VIJEĆA/SAVJETA MINISTARA BOSNE I HERCEGOVINE I SAMOSTALNOG SINDIKATA DRŽAVNIH SLUŽBENIKA I ZAPOSLENIKA U INSTITUCIJAMA BOSNE I HERCEGOVINE, SINDIKATA UPRAVE ZA INDIREKTNO/NEIZRAVNO OPOREZIVANJE I SAVEZA SINDIKATA POLICIJSKIH ORGANA U BOSNI I HERCEGOVINI

Strane u Protokolu:

1. Vijeće/Savjet ministara Bosne i Hercegovine, s jedne strane, koje zastupa predsjedavajući Vijeća ministara Bosne i Hercegovine (u daljnjem tekstu: Poslodavac)
2. Samostalni sindikat državnih službenika i zaposlenika u institucijama Bosne i Hercegovine, Savez sindikata policijskih organa u Bosni i Hercegovini i Sindikat Uprave za indirektno/neizravno oporezivanje s druge strane, koje zastupaju: Lejla Čopelj, Dragan Krvavac i Ana Mrnjavac (u daljnjem tekstu: reprezentativni sindikati),

s ciljem da se omogući provođenje odredbi čl. 90. i 91. Zakona o radu u institucijama BiH ("Službeni glasnik BiH", br. 26/04, 7/05, 48/05, 60/10, 32/13 i 93/17),

SLOŽILI SU SE KAKO SLIJEDI:

Član 1. (Predmet protokola)

Ovim protokolom se uređuje način, organizacija i procedure vođenja pregovora u cilju zaključivanja kolektivnog ugovora između Poslodavca i reprezentativnih sindikata, putem pregovaračkih timova.

Član 2. (Cilj pregovora)

Cilj pregovaranja je usaglašavanje odredbi Kolektivnog ugovora između Poslodavca i reprezentativnih sindikata kao i potpisivanje Kolektivnog ugovora.

Član 3. (Pregovarački timovi)

- (1) Za razmatranje i usvajanje odredbi Kolektivnog ugovora, sporazumne strane formiraju svoje pregovaračke timove sastavljene od devet članova pregovaračkog tima.
- (2) Svaki pregovarački tim može dodatno angažovati i stručnjake iz oblasti koji pomažu svom timu i koji mogu iznositi svoja mišljenja, ali bez prava odlučivanja.
- (3) Pregovarački timovi dogovorom predlažu vrijeme i mjesto održavanja sastanka u skladu sa planiranom dinamikom pregovora utvrđenom ovim pravilima.

- (6) Svaka strana će se u roku od 15 (petnaest) dana od dana dostavljanja izvještaja koji sadrži sporna pitanja, izjasniti da li su stavovi druge strane prihvatljivi, definitivno neprihvatljivi ili će ponuditi druga rješenja.
- (7) Ukoliko se po spornim pitanjima ponude druga rješenja, svaka ugovorna strana će se o njima izjasniti u roku od 10 dana.
- (8) Nakon isteka roka iz prethodnog stava, ukoliko ponuđena rješenja nisu prihvatljiva za reprezentativne sindikate ili Poslodavca smatrat će se da su pregovori propali i da reprezentativni sindikati mogu preduzeti druge dopuštene sindikalne aktivnosti radi zaštite i ostvarenja kolektivnih prava zaposlenih u institucijama BiH.
- (9) Ako pregovarački timovi postignu saglasnost o tekstu Kolektivnog ugovora to će se konstatovati u izvještaju koji se zajedno sa prijedlogom Kolektivnog ugovora dostavlja Upravnim odborima reprezentativnih sindikata i Poslodavcu.
- (10) Reprezentativni sindikati i Poslodavac su obavezni da u roku od 30 dana od dana definitivnog usaglašavanja teksta potpišu Kolektivni ugovor.
- (11) Pregovarački timovi dogovorno utvrđuju termin svečanog potpisivanja Kolektivnog ugovora.

Član 7.
(Početak i završetak pregovora)

Pregovori će započeti pregovaranjem o odredbama Kolektivnog ugovora, a završit će se činom potpisivanja Ugovora.

Član 8.
(Javnost pregovora)

- (1) Sastanci pregovaračkih timova zatvoreni su za javnost osim ako se timovi drugačije ne dogovore.
- (2) O toku i sadržaju pregovora timovi će izvještavati javnost zajedničkim saopštenjem.
- (3) Ako se pregovarački timovi ne dogovore o zajedničkom saopštenju, pregovarački timovi zadržavaju pravo da samostalno izvještavaju javnost o sadržaju i toku pregovora.

Član 9.
(Dinamika pregovaranja)

- (1) Strane u pregovorima dogovorile su se da će se pregovori voditi prema slijedećoj dinamici:

1. Početak pregovora	do 28.02.2020. g.
2. Pregovaranje reprezentativnih sindikata i Poslodavca o spornim pitanjima	do 29.04.2020. g.
3. Usaglašavanje spornih pitanja i izrada konačnog nacrtu Kolektivnog ugovora	do 29.05.2020. g.
4. Potpisivanje Kolektivnog ugovora	do 30.06.2020. g.

- (2) Ukupna tolerancija u planiranoj dinamici uzrokovana objektivnim razlozima za svaku stranu u pregovorima je maksimalno 15 (petnaest) dana.